



**Broj:** 08-01-03/2-11-2-1998-8/22

**Dana:** 06.09.2022. godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-01-03/2-11-2-1998-7/22 od 01.09.2022. godine, u postupku javne nabavke "Nabavka kopir aparata", ministar Ministarstva unutrašnjih poslova Zeničko-dobojskog kantona, d o n o s i:

### **ODLUKU**

#### **o izboru najpovoljnijeg ponuđača "KMC" d.o.o. Banja Luka, za "Nabavka kopir aparata"**

#### **I**

Prihvata se preporuka Komisije za javnu nabavku roba, usluga i radova (u daljem tekstu - Komisija), iz Zapisnika o pregledu i ocjeni ponuda broj: 08-01-03/2-11-2-1998-7/22 od 01.09.2022. godine i ugovor za "Nabavka kopir aparata", dodjeljuje se ponuđaču "KMC" d.o.o. Banja Luka, sa ponudom broj: 08-01-03/2-11-2-1998-2/22 od 19.08.2022. godine i ponuđenom cijenom u iznosu od 6.600,00 KM bez PDV-a u koju je uračunat popust ostvaren na e-Aukciji u iznosu od 19,41%.

#### **II**

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.



Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

### III

Ova Odluka objavit će se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-01-03/2-11-2-1998/22 od 22.07.2022. godine.

Javna nabavka provedena je putem otvorenog postupka javne nabavke.

Procijenjena vrijednost nabavke za iznosila je 8.547,01 KM bez PDV-a.

Obavještenje o nabavci broj: 488-1-1-27-3-56/22, poslano je na objavu dana 29.07.2022. godine.

Sažetak obavještenja o nabavci broj: 488-1-1-27-3-56/22 objavljen je dana 05.08.2022. godine u "Službenom glasniku BiH", broj 52.

Komisija za javnu nabavku imenovana je Odlukom broj: 08-01-03/2-11-2-1998-1/22 od 29.07.2022. godine.

Komisija za javnu nabavku sačinila je Zapisnik o prijemu ponuda broj: 08-01-03/2-11-2-1998-3/22 od 19.08.2022. godine, Zapisnik sa otvaranja ponuda broj: 08-01-03/2-11-2-1998-4/22 od 19.08.2022. godine i Zapisnik o pregledu i ocjeni ponuda broj: 08-01-03/2-11-2-1998-7/22 od 01.09.2022. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači "KMC" d.o.o. Banja Luka, "EMADO" d.o.o. Sarajevo i "INTER-COM" d.o.o. Zenica.

Dana 19.08.2022. godine, od ponuđača "EMADO" d.o.o. Sarajevo i "KMC" d.o.o. Banja Luka, zatraženo je pojašnjenje ponude koje se odnosi na tehničku i profesionalnu sposobnost, jer se iz dostavljenih potvrda o uredno izvršenim ugovorima ne vidi u kojem dijelu i kolika vrijednost se odnosi na isporuku kopir aparata, a tenderskom dokumentacijom u tački 13.1 je zahtjevana uspješna realizacija ugovora u oblasti prodaje kopir aparata. S tim u vezi, dana 22.08.2022. godine ponuđači "EMADO" d.o.o. Sarajevo i "KMC" d.o.o. Banja Luka dostavili su pojašnjenje ponude. Naime, ponuđač "EMADO" d.o.o. Sarajevo je u dostavljenom pojašnjenju objasnio značenje skraćenice "MFP", te naglasio da su uređaji sa tom oznakom uvijek i bez mogućnosti izuzetka obavezno i kopir aparati i da se iznos iz jedne od potvrda od 12.000,00 KM odnosi na kopir aparate, a potvrda u iznosu od 33.360,00 KM na kopir aparate i "MFP" uređaje. Nadalje, ponuđač "KMC" d.o.o. Banja Luka je uz dostavljeno pojašnjenje priložio kopiju računa/otpremnica od 31.08.2020. godine izdatih pravnom licu "PROINTER ITSS" d.o.o. Banja Luka i narudžbe od 20.09.2021. godine od strane UKC RS, iz kojih je vidljivo da su predmet isporuke multifunkcionalni uređaji, odnosno "MFP" uređaji u ukupnoj vrijednosti većoj od 8.000,00 KM bez PDV-a. Slijedom navedenog, ustanovljeno je da su ponuđači dostavili prihvatljiva pojašnjenja, imajući u vidu da uređaji koje nude ova dva ponuđača, kao i uređaj koji nudi preostali ponuđač prema tehničkim karakteristikama dostavljenim u katološkoj dokumentaciji predstavljaju uređaje koji pored funkcije kopiranja mogu vršiti i funkciju printanja, skeniranja i slično.

Dakle, ponude ponuđača "KMC" d.o.o. Banja Luka, "EMADO" d.o.o. Sarajevo i "INTER-COM" d.o.o. Zenica ispunjavaju sve zahtjeve ugovornog organa u formalno-pravnom, ekonomskom i tehničkom smislu, te su iste za ugovorni organ prihvatljive.



Dana 31.08.2022. godine sa početkom u 10,00 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 66/15) započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju u e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1	"KMC" D.O.O. BANJA LUKA	4402171770004	8.190,00	1
2	"EMADO" D.O.O. SARAJEVO	4201929330005	8.400,00	2
3	"INTER-COM" D.O.O. ZENICA	4218087760006	8.547,00	3

Aukcija je okončana dana 31.08.2022. godine u 10:24 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjene cijene	Rang
1	"KMC" D.O.O. BANJA LUKA	4402171770004	6.600,00	19,41%	1
2	"INTER-COM" D.O.O. ZENICA	4218087760006	6.700,00	21,61%	2
3	"EMADO" D.O.O. SARAJEVO	4201929330005	8.400,00	0%	3

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a	Popust	Početna cijena ponude bez PDV-a sa popustom (prije e-aukcije)	Konačna cijena ponude bez PDV-a sa popustom (nakon e-aukcije)	Rang
"KMC" D.O.O. BANJA LUKA	8.190,00 KM	NE	8.190,00 KM	6.600,00 KM	1
"INTER-COM" D.O.O. ZENICA	8.547,00 KM	NE	8.547,00 KM	6.700,00 KM	2
"EMADO" D.O.O. SARAJEVO	8.400,00 KM	NE	8.400,00 KM	8.400,00 KM	3

U postupku donošenja ove odluke, posebno su ocijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "KMC" d.o.o. Banja Luka odabran je na osnovu ponuđene cijene u iznosu od 6.600,00 KM bez PDV-a u koju je uračunat popust ostvaren na e-Aukciji u iznosu od 19,41%.

#### **PRAVNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti

žalbu na postupak u pisanoj formi u roku od 10 (deset) dana od dana prijema odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

**DOSTAVLJENO:**

1. Ponuđači, 1x-
2. Sektor za podršku, 1x.-
3. Spis, 1x.-



**MINISTAR**

**Dario Pekić**